

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sudske policije Federacije BiH, broj: Sp-04-01-30-403-1/24 od 04.03.2024.godine za tumačenje odredbe člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine, na 1. sjednici Komisije održanoj dana 12.06.2024. godine, donosi:

ODLUKU

o tumačenju odredbe člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbe člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

“Od dana stupanja na snagu Kolektivnog ugovora, a do usklađivanja Pravilnika u skladu sa članom 76. Kolektivnog ugovora ima se primijeniti povoljnije pravo u skladu sa članom 19. stav (3) Zakona o radu, u konkretnom slučaju poslodavac je za navedeni period obavezan obračunati i isplatiti naknadu za vrijeme provedeno u pripravnosti za rad u visini od 0,2% od prosječne plaće u FBiH za jedan sat proveden u pripravnosti za rad, uz maksimalni mjesečni iznos po uposleniku u visini do 20% prosječne neto plaće FBiH prema posljednjem objavljenom statističkom podatku”.

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

Obrazloženje

Komisiji je, putem Vlade Federacije Bosne i Hercegovine, Sudske policije Federacije BiH, broj: Sp-04-01-30-403-1/24 od 04.03.2024.godine za tumačenje odredbe člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu da li se naknada po osnovu vremena provedenog u pripravnosti za rad, može obračunavati bez stupanja na snagu odnosno usklađivanja propisa iz člana 76. Kolektivnog ugovora.)

Imajući u vidu navode iz dostavljenog zahtjeva, Komisija ističe da je odredbom člana 27. stav 4. Kolektivnog ugovora utvrđeno da radniku pripada naknada po osnovu vremena provedenog u pripravnosti za rad. Naknada na osnovu vremena provedenog u pripravnosti za rad ne može biti manja od predloženog paušalnog iznosa u visini do 0,2% prosječne plaće u FBiH za jedan sat proveden u pripravnosti za rad, uz maksimalan mjesečni iznos po uposleniku do 20% prosječne neto plaće FBiH prema posljednjem objavljenom statističkom podatku.

Dužina trajanja pripravnosti uređuje se pravilnikom o radu i pravilnikom o plaćama i naknadama, ukoliko drugim propisom nije drugačije određeno.

Odredbom člana 80. Kolektivnog ugovora utvrđeno je ugovor stupa na snagu narednog dana od dana objavljivanja u Službenim novinama Federacije BiH.

Imajući u vidu naprijed navedeno, Komisija zaključuje da je odredba iz člana 27. stav (4) stupila na snagu stupanjem na snagu Kolektivnog ugovora, te do usklađivanja Pravilnika u skladu sa članom 76. Kolektivnog ugovora ima se primijeniti povoljnije pravo u skladu sa članom 19. stav (3) Zakona o radu, u konkretnom slučaju poslodavac je za navedeni period obavezan obračunati i isplatiti naknadu vrijeme provedeno u pripravnosti za rad u visini od 0,2% od prosječne plaće u FBiH za jedan sat proveden u pripravnosti za rad, uz maksimalni mjesečni iznos po uposleniku u visini do 20% prosječne neto plaće FBiH prema posljednjem objavljenom statističkom podatku.

Shodno navedenom, utvrđeno je tumačenje odredbe člana 26. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primjenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-6/24

Sarajevo, 27. 06. 2024. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine


Vedran Škobić


Adis Omerović


Samir Kurtović


Haris Karačić